

ÁKVÖRÐUN FRAMKVÆMDASTJÓRNARINNAR

2013/EES/4/85

frá 6. ágúst 2010

um breytingu á I. og II. viðauka við ákvörðun 2008/185/EB að því er varðar það að bæta Slóveníu við á skrá yfir aðildarríki sem eru laus við Aujeszkys-veiki og að bæta Póllandi og tilteknum svæðum á Spáni við á skrá yfir aðildarríki þar sem samþykkt, landsbundin varnaráætlun vegna sjúkdómsins er fyrir hendi (*)

(tilkynnt með númeri C(2010) 5358)

(2010/434/ESB)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 64/432/EBE frá 26. júní 1964 um vanda á sviði heilbrigðis dýra sem hefur áhrif á viðskipti innan Bandalagsins með nautgripi og svín ⁽¹⁾, einkum 2. mgr. 9. gr. og 2. mgr. 10. gr.,

og að teknu tilliti til eftirfarandi:

- 1) Í tilskipun 64/432/EBE er mælt fyrir um reglur sem eiga við um viðskipti með nautgripi og svín innan Sambandsins, að undanskildum villtum svínum. Í 9. gr. þeirrar tilskipunar er mælt fyrir um viðmiðanir um samþykkt lögboðinna landsbundinna varnaráætlana gegn tilteknum smitsjúkdómum, þ.m.t. Aujeszkys-veiki. Auk þess er í 10. grein þeirrar tilskipunar kveðið á um að þegar aðildarríki telur að yfirráðasvæði eða hluti þess sé laust við slíka sjúkdóma, þ.m.t. Aujeszkys-veiki, skuli það leggja viðeigandi gögn því til stuðnings fyrir framkvæmdastjórnina.
- 2) Í ákvörðun framkvæmdastjórnarinnar 2008/185/EB frá 21. febrúar 2008 um viðbótarábyrgðir í viðskiptum innan Bandalagsins með svín í tengslum við Aujeszkys-veiki og um viðmiðanir fyrir upplýsingar sem skal veita um sjúkdóminn ⁽²⁾ er kveðið á um viðbótarábyrgðir fyrir flutning á svínum milli aðildarríkja. Þessar ábyrgðir tengjast flokkun aðildarríkja eftir sjúkdómastöðu þeirra með tilliti til Aujeszkys-veiki.
- 3) Í I. viðauka við ákvörðun 2008/185/EB er skrá yfir aðildarríki eða svæði þeirra sem eru laus við Aujeszkys-veiki og þar sem bólusetning er bönnuð. Í II. viðauka við þá ákvörðun er skrá yfir aðildarríki eða svæði þeirra þar sem samþykktar landsbundnar varnaráætlanir um útrýmingu Aujeszkys-veiki eru fyrir hendi.

(*) Þessi EB-gerð birtist í Stjtuð. ESB L 208, 7.8.2010, bls. 5. Hennar var getið í ákvörðun sameiginlegu EES-nefndarinnar nr. 60/2011 frá 1. júlí 2011 um breytingu á I. viðauka (Heilbrigði dýra og plantna) við EES-samninginn, sjá EES-viðbætur við Stjórnartíðindi Evrópusambandsins nr. 54, 6.10.2011, bls. 8.

⁽¹⁾ Stjtuð. EB 121, 29.7.1964, bls. 1977/64

⁽²⁾ Stjtuð. ESB L 59, 4.3.2008, bls. 19.

- 4) Í Póllandi og á Spáni hefur verið unnið eftir landsbundnum varnaráætlunum vegna Aujeszkys-veiki í mörg ár. Landsbundna varnaráætlunin vegna Aujeszkys-veiki hefur þegar verið samþykkt fyrir nokkur svæði á Spáni með ákvörðun framkvæmdastjórnarinnar 2007/603/EB ⁽³⁾.

- 5) Slóveníahéfur lagt frekari gögn fyrir framkvæmdastjórnina, sem varða sjúkdómalaus stöðu yfirráðasvæðis Slóveníu að því er varðar Aujeszkys-veiki, sem sýna fram á að sjúkdómurinn hefur aldrei greinst í aðildarríkinu.

- 6) Framkvæmdastjórnin hefur athugað gögnin sem Slóvenía lagði fram og komist að raun um að þau samrýmast 1. mgr. 10. gr. tilskipunar 64/432/EBE. Til samræmis við það skal bæta aðildarríkinu í skrána sem sett er fram fram í I. viðauka við ákvörðun 2008/185/EB. Því ber að breyta viðaukanum til samræmis við það.

- 7) Pólland hefur lagt frekari gögn fyrir framkvæmdastjórnina að því er varðar áætlunina sem er fyrir hendi á öllu yfirráðasvæði Póllands og óskað eftir því að sú áætlun verði samþykkt.

- 8) Spánn hefur nú lagt frekari gögn fyrir framkvæmdastjórnina að því er varðar áætlunina sem er fyrir hendi í sjálfstjórnarhéruðunum Andalúsíu, Aragón, Baleareyjum, Kastilíu-La Mancha, Katalóníu, Extremadura, Madrid, Murcia-héraði, Valensíu-héraði sem og í sýslunum Salamanca, Segóvíu og Sóríu í sjálfstjórnarhéruðinu Kastilía og León og Tenerífe-sýslu í sjálfstjórnarhéruðinu á Kanaríeyjum, og óskað eftir því að sú áætlun verði samþykkt.

- 9) Framkvæmdastjórnin hefur einnig komist að raun um að landsbundnu varnaráætlanirnar sem Pólland og Spánn lögðu fram samrýmast viðmiðunum sem mælt er fyrir um í 1. mgr. 9. gr. tilskipunar 64/432/EBE. Til samræmis við það skal bæta Póllandi og Spáni í skrána sem sett er fram í II. viðauka við ákvörðun 2008/185/EB. Því ber að breyta viðaukanum til samræmis við það.

⁽³⁾ Stjtuð. ESB L 236, 8.9.2007, bls. 7.

- 10) Því ber að breyta ákvörðun 2008/185/EB til samræmis við það.
- 11) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um matvælaferlið og heilbrigði dýra.

SAMÞYKKT ÁKVÖRDUN ÞESSA:

1. gr.

Viðaukinn við þessa ákvörðun kemur í stað I. og II. viðauka við ákvörðun 2008/185/EB.

2. gr.

Ákvörðun þessari er beint til aðildarríkjanna.

Gjört í Brussel 6. ágúst 2010.

Fyrir hönd framkvæmdastjórnarinnar,

John DALLI

framkvæmdastjóri

VIDAUKI

„I. VIDAUKI

Aðildarríki eða svæði þeirra sem eru laus við Aujeszzkys-veiki og þar sem bólusetning er bönnuð

ISO-kóði	Aðildarríki	Svæði
CZ	Tékkland	Öll svæði
DK	Danmörk	Öll svæði
DE	Þýskaland	Öll svæði
FR	Frakkland	Þessar sýslur: Ain, Aisne, Allier, Alpes-de-Haute-Provence, Alpes-Maritimes, Ardèche, Ardennes, Ariège, Aube, Aude, Aveyron, Bas-Rhin, Bouches-du-Rhône, Calvados, Cantal, Charente, Charente-Maritime, Cher, Corrèze, Côte-d'Or, Côtes-d'Armor, Creuse, Deux-Sèvres, Dordogne, Doubs, Drôme, Essonne, Eure, Eure-et-Loir, Finistère, Gard, Gers, Gironde, Hautes-Alpes, Hauts-de-Seine, Haute Garonne, Haute-Loire, Haute-Marne, Hautes-Pyrénées, Haut-Rhin, Haute-Saône, Haute-Savoie, Haute-Vienne, Hérault, Indre, Ille-et-Vilaine, Indre-et-Loire, Isère, Jura, Landes, Loire, Loire-Atlantique, Loir-et-Cher, Loiret, Lot, Lot-et-Garonne, Lozère, Maine-et-Loire, Manche, Marne, Mayenne, Meurthe-et-Moselle, Meuse, Morbihan, Moselle, Nièvre, Nord, Oise, Orne, Paris, Pas-de-Calais, Pyrénées-Atlantiques, Pyrénées-Orientales, Puy-de-Dôme, Réunion, Rhône, Sarthe, Saône-et-Loire, Savoie, Seine-et-Marne, Seine-Maritime, Seine-Saint-Denis, Somme, Tarn, Tarn-et-Garonne, Territoire de Belfort, Val-de-Marne, Val-d'Oise, Var, Vaucluse, Vendée, Vienne, Vosges, Yonne, Yvelines
CY	Kýpur	Öll svæði
LU	Lúxemborg	Öll svæði
NL	Holland	Öll svæði
AT	Austurríki	Öll svæði
SI	Slóvenía	Öll svæði
SK	Slóvakía	Öll svæði
FI	Finnland	Öll svæði
SE	Svíþjóð	Öll svæði
UK	Breska konungsríkið	Öll svæði á Englandi, í Skotlandi og Wales

II. VIÐAUKI

**Aðildarríki eða svæði þeirra þar sem fyrir liggja samþykktar landsbundnar áætlanir um útrýmingu
Aujeszzkys-veiki**

ISO-kóði	Aðildarríki	Svæði
BE	Belgía	Öll svæði
IE	Írland	Öll svæði
ES	Spánn	Öll svæði
IT	Ítalía	Bolzano-sýsla
HU	Ungverjaland	Öll svæði
PL	Pólland	Öll svæði
UK	Breska konungsríkið	Öll svæði á Norður-Írlandi**